



Universitätsbibliothek Paderborn

Acta Ecclesiae Mediolanensis

Actorvm Ecclesiae Mediolanensis, Pars Tertia - In Qva, Liber Memorialis Ad
populum Ciuitatis, & Dioecesis Mediolanensis, A Beato Carolo Borromaeo
Titvli Sanctae Praxedis compositus continetur

Borromeo, Carlo

Brixiae, 1603

Formula litterarum , quibus concilium Prouinciale mittitur ad Pontificem.

urn:nbn:de:hbz:466:1-10502

rectam, & dirige gressus nostros in viâ pacis, & ad dandam scientiam salutis plebi tuæ.

Archid. Nos Domine, operarij in messem tuam missi, in omni opere bono ministerium nostrum expletes, De ceterâ sancta exequêtes, digni reddamur misericordiâ & gratia magni & supremi Sacerdotis Iesu Christi Dei, intercedente simul beata eius genitricis Maria, Beato Ambrosio Confessore, atque alijs huius Prouinciæ Patronis, & omnibus sanctis. Respon. Amen, Amen.

Acclamationibus de more absolutis, statim Reuerendiss. Patres ordine singuli ad Illustriss. Metropolitanum, adhuc in sessione persistentem, pro osculo pacis accesserunt: quibus sigillatim Illustriss. Metropolitanus, dum appropinquaret assurgens præuia mutua capitis inclinatione osculum impartitus est.

Tandem Illustriss. Metrop. deposita Mitra; & assumpto Baculo; surgens vniuersæ Synodo solenniter benedixit, & Indulgentiam centum dierum concessit, ac postremò per R. Archidiaconum alia voce, Redeamus cum Pace, enunciatum est, & responsum. In nomine Domini: Et sacras vestes in sessionali loco statim exiit Illustriss. Metrop. & Reuerendiss. Patres; & ibidem facta breui oratione, cum iam secunda hora noctis immineret, in aedem Archiepiscopales redierunt.

Aliæ quædam formulæ ad Concilium Prouinciale spectantes.

Formula literarum, quibus Episcopi à Concilio absentis excusatio accipitur.

CAROLVS, &c. Quæ scripta ad nos Amplitudo tua de causis misit, quamobrem in Synodo nostra Prouinciali, pro eo sanè quod debet hoc tempore interesse non possit; ea quidè oia nos & accipimus & cognouimus. Quod igitur ad causas rationesq; attinet, quibus ad absentiam suam excusationem utitur, cum idoneæ illæ quidem sint, atq; iustæ, eas auctoritate nostra Metrop. comprobamus. Quam probationem in Synodi Prouincial. acta referri mandauimus.

Deus Amplitudinem tuam benè valentem gratiæ suæ diuinæ donis cumulet. Dat. &c.

Formula literarum, quibus Capitula Canoniorum Cathedralium ad Conc. Prouinc. inuitantur.

CAROLVS, &c. Ex edicto, quod de Concilio Prouinc. istic promulgari iussimus, certum ac præfinitum diè, quo illud nos hoc anno habere statuimus, cognoscere potuistis. Quare his literis vos Mediolanum ad id inuitamus: eoq; præterea nomine, cõstituta die certos aliquos procuratores, ecclesiasticos homines, mittatis licet: qui, siquæ erunt, quæ ad vos aliqua ratione interessè putatis, ea nobis accuratè exponant. Valete in Domino. Dat. &c.

Formula literarum, de monitionibus, quæ Episcopis à Conc. Prouinc. absentibus mittuntur.

CAROLVS, &c. Reu. D. De rebus, quæ in Synodo Prouinc. actæ & decretæ sunt, à procuratore qui nomine suo interfuit, Amplitudo tua cognoscet. Pro officij autem Metropolitaniani munere, cum monitiones, eaq; scriptis consignatas prouinciæ nostræ Episcopis, qui Synodalibus actionibus interfuerunt, ipsi tradiderimus, eadem etiam his literis inclusas Amplitudini tuæ mittimus. Cui à Deo omnem cœlestis gratiæ cumulû precamur. Dat. &c.

Formula literarum, quibus Concilium Prouinc. mittitur ad Pontificem.

SYNODUM Prouincialem ex Concilij Tridentini præscripto Mediolani de more habuimus. Decreta porro que in ea confecimus, Reuerendo N. procuratori nostro ad Sanctitatem tuam dedimus: cuius auctoritati & iudicio illa emendanda nos subiicimus, qua maxima possumus & debemus, humilitate atque obedientia. Is verò, qui huius Synodi nostræ actionibus præfens adfuit, primùm nostro nomine Sanctitatis tuæ pedes quàm humillimè osculatus.

cum cætera omnia coram vberius exponet, tum pro salutari huius Prouinciæ cura, nostris etiam verbis ab ea supplex nonnulla petet, quæ vt consequamur, nos precibus summis obsecramus Sanctitatem tuam. Quam Deus Ecclesiæ suæ incolumem conseruet diu. Mediolani,

Formula literarum ad Episcopos Prouinciæ, de affixione, & promulgatione Concilij Prouincialis.

Die Sabbato, qui dies fuit 4. Idus Aprilis, decretorū quæ in Synodo Prouinciali edidimus, volumē imprefsum Ecclesiæ Metropolitanæ valuis de more affigi, promulgarique iussimus. Cuius sanæ promulgationis testificationem à Cancellario nostro Archiepiscopi excriptam atque obfignatam cum his literis coniunximus. Typis autem Mediolanensibus edita eorum decretorum volumina duo Amplitudini tuæ mitto: alia porrò quæ ad istius Cleri vsum opuserunt, hic haberi poterunt, vbi pro totius Prouinciæ ratione edita sunt quamplurima. De illis autem in Synodo Diocesana, quam Amplitudo tua proximè habitura est, legendis ac promulgandis, sicut non dubitamus, quin ipsa pro sua pastoralis sollicitudine ad Prouincialis Decreti præscriptum agat: ita speramus fore, vt in ijs ipsis exequēdis omnino adhibeat debitum, & studij, & diligentis industriæque pastoralis officium. Quod vt planè præstet, per viscera Christi Domini hortamur Amplitudinem tuam. Cui prospera & salutaria omnia à Deo precamur. Dat. &c.

Formula iurifurandi à testibus Synodalibus præstandi in Concilio Prouinciali, Habetur supra in Concil. 4. Prouin.

A C T A

Synodi Diocesane XI.

Illustris. & Reuerendis. in Christo Pater, & Dominus noster, Carolus Tit. Sanctæ Præxedis Presbyter Car-

dinalis, Dei & Apostolicæ sedis gratiæ Archiepiscopus Sanctæ Ecclesiæ Mediolanen. salutarem admodum, ac disciplinæ Ecclesiæ valde accommodatum & vtilem vsum cogendi quotannis Synodum Diocesanam, ex sacri Tridentini, & Prouincialium Conciliorum præscripto, quantum in se est, pro Archiepiscopali munere suo retinere & conseruare volens, hoc anno 1584. Synodalem hunc vndecimum conuentum, in superiori proxima decima Synode de more indictum ad diem iij. Maij, in Calendario primùm adscribi, & per R. Archidiaconum solenniter sacro Epiphaniarum die ad præscriptum denunciari iussit, vt infra.

Denunciatio Synodi Diocesane in Metropolitana.

HOC item anno, dilectis. ad Dei Omnipotentis, Beatæque Mariæ semper Virginis, ac S. Ambrosij Confessoris, & beatorum martyrum Protasij & Gerasij, patronorum nostrorum laudem, Synodus Diocesana die iij. Mensis Maij adiutrice diuina gratia celebrabitur. Pij igitur vestris precibus instate, vt Vrbs, & Diocesis hæc Mediolanensis, salutaribus augeatur vitæ Christianæ disciplinis, ex ijsque fructus, suffragantibus eorundem sanctorum patronorum nostrorum meritis, vberiores in dies afferat in Domino.

Synodalis autem dies cum instaret, Illustris. Archiepiscopus studium & operam Vicariorum foraneorum, vt actionibus Synodalibus hac etiam ratione consuleret, his literis requisivit, quæ ad omnes scriptæ fuerunt.

Epistola ad Vicarios foraneos.

RE V. Vicari. Cùm dies Synodalis iam instet, sollicitudinem tuam hoc tempore præmonere volumus, vt debito apparatu ad rem Synodalem fructuosè per nos peragendam instructus conuenias. Quidquid verò pro tui muneris ratione in isto Vicariatu animaduertisti, quod ad actionē Synodale spectet,